

Na osnovu člana 20a. Zakona o radu ("Službene novine Federacije BiH ", broj: 26/16 i 89/18), člana 4. Uredbe o postupku prijema u radni odnos u javnom sektoru u Tuzlanskom kantonu ("Službene novine Tuzlanskog kantona", broj 4/19 i 4/20), člana 2. Pravilnika o postupku prijema u radni odnos i Odluke o potrebi prijema u radni odnos broj: 02-4302/20 od 14.07.2020. godine, JZU Dom zdravlja Živinice, raspisuje

JAVNI OGLAS
za prijem u radni odnos na određeno vrijeme

Javni oglas se raspisuje za prijem u radni odnos na određeno vrijeme u trajanju do 31.12.2020. godine, za radno mjesto:

- Doktor medicine.....6 izvršilaca.

Kratak opis poslova: Identifikuje faktore koji mogu ugroziti zdravlje; vrši preglede kojim se utvrđuje postojanje ili nepostojanje tjelesnih, odnosno psihičkih bolesti, tjelesnih oštećenja ili anomalija, vrši procjenu takvih stanja pomoću medicinskih dijagnostičkih instrumenata, postupaka i sredstava; utvrđuje potrebu i upućuje na dijagnostička i funkcionalna ispitivanja; vrši liječenje i rehabilitaciju; radi na sprečavanju bolesti, zdravstvenom odgoju i prosvjećivanju sa ciljem jačanja zdravlja stanovništva; propisuje lijekove i medicinska sredstva; izdaje liječnička uvjerenja, svjedodžbe, potvrde i mišljenja; obavlja i druge poslove u okviru svog zvanja i struke.

Kandidati moraju ispunjavati opće uslove:

- da su državljani Bosne i Hercegovine,
- da su zdravstveno sposobni za obavljanje poslova za koje se prijavljuju.

Kandidati moraju ispunjavati posebne uslove:

- završen medicinski fakultet, doktor medicine,
- položen stručni ispit,
- važeća licenca izdata od nadležne komore.

Ispunjenost općih i posebnih uslova Javnog oglasa računa se danom predaje prijave na Javni oglas.

Kandidati su obavezni uredno popuniti PRIJAVNI OBRAZAC (može se pronaći na web stranici JZU Dom zdravlja Živinice www.dz-zivinice.ba ili preuzeti u prostorijama JZU Dom zdravlja Živinice) te uz isti dostaviti sljedeću dokumentaciju:

- izvod iz matične knjige rođenih,
- uvjerenje o državljanstvu (ne starije od šest mjeseci),
- PBA-3 obrazac (CIPS-Obavijest),
- diplomu o završenom medicinskom fakultetu,
- uvjerenje o položenom stručnom ispitu,
- licencu za samostalan rad.

Kandidati koji po posebnom zakonu imaju prioritet u zapošljavanju, uz PRIJAVNI OBRAZAC trebaju dostaviti i odgovarajuće dokumente (potvrda, uvjerenje i sl.) kojim to dokazuju, te se pozvati na poseban zakon po kojem imaju prednost.

Popunjen PRIJAVNI OBRAZAC, zajedno sa traženim dokumentima, kandidati dostavljaju u zatvorenoj koverti, putem pošte ili lično, na adresu: JZU Dom zdravlja Živinice, Ul. Alije Izetbegovića br. 17, 75270 Živinice, sa naznakom "Prijava na javni oglas za prijem u radni odnos na određeno vrijeme – Ne otvaraj". Rok za prijavu kandidata na Javni oglas je osam dana od dana njegove objave u dnevnom listu „Dnevni avaz“. Svi dokumenti koji se dostavljaju uz prijavu na Javni oglas moraju biti u originalu ili ovjerenoj fotokopiji. Neuredne, nepotpune i neblagovremene prijave neće se uzimati u razmatranje. Proces izbora kandidata za prijem u radni odnos provešće se održavanjem pismenog i usmenog ispita sa svakim od kandidata. Komisija za izbor kandidata za prijem u radni odnos će pisanim putem obavijestiti kandidate, čije su prijave uredne, potpune i blagovremene, o mjestu i vremenu održavanja pismenog ispita. O

provođenju pismenog ispita kandidati će biti obavješteni i putem web stranice JZU Dom zdravlja Živinice www.dz-zivinice.ba, rubrika „Oglasi i obavještenja“.

Izabrani kandidati će biti u obavezi da, najkasnije u roku od osam dana od dana konačnosti odluke o prijemu u radni odnos, dostave ljekarsko uvjerenje kao dokaz da njihovo zdravstveno stanje odgovara uslovima radnog mjesta za koje su izabrani.

JZU Dom zdravlja Živinice nema obavezu vraćanja dokumentacije kandidatima.

Broj: 02-4310/20

Živinice, 15.07.2020. godine

DIREKTOR
Primarijus
Prof.dr.sc. Esed Omerkić